

PARALLATICA

Commentationis Praxeosq;

Nucleus quidam.

*Authore Joanne Dee,
Londinensi.*



LONDINI
Apud Johannem Dayum Typo-
graphum. An. 1573.

PARALLATICA

Compendium Pictorum

Nicholas quidam

Antiquus Pictor

Antiquus



FORNITIVO

Antiquus Pictor

Antiquus

rin
qu
qu
bu
ist
ca
ru
m
ta
iff
iff
ne
da
sp
ta
ei
el
ce
se
ra
li
p

Thomas Diggeus, Benenolo

Lectori. S.



Theorema, cuius, in Proœmio, mentionem feceram, a charissimo meo amico & Parente altero Mathematico, D. Io. Dee, iamdudum receperam, cum libellus iste meus, Typographo commissus, pars quoq; illius nō modica impressa fuisset. Nucleus Verò ab Authore appellatur, seu quod durissimas disrumpere plurimarum difficillimarum demonstrationum testas coactus fuisset, priusquam ad eam tam breuem tamq; perspicuam penetrare potuisset: seu quod aliquarum suarum Vigiliarum fructum, & Verè Nucleum, omnibus nudatum corticibus tuo esui, & sibi paratum exhibeat. Me autem isti meo opusculo annectere, & in lucem simul emitte, varia impulere causa. Prima, ne charissimus mihi, illius Author (Vir in omni doctrinarum genere celeberrimus, tum in abditissimis Philosophia mysterijs admirandus) debita sua inuentionis priuaretur laude: cum nonnulli, fortassis, si postea ederetur, suspicari possint, a meis Methodis derivatum fuisse. Fateor equidem, adeo latè mea sese extendere fundamenta, ut cum istiusmodi, tum plurimi etiam alij nuclei (Astronomorum & sui inprimis necessarj) inde excerpti possent: quemadmodum Correllarium illud secundum, Problematis Undecimi: quod equidem, licet manifestè videatur ex ipso Undecimo Problemate, & Regiomontani propositione ibidem citata, pendere, tamen mihi in mentem non venerat, priusquam cum eo, de eiusmodi sinuū proportionibus contulissem. Illud igitur, illius, non meū esse: & Theorema istud, ex proprijs illius, non meis, enucleatum fuisse corticibus, certum est. Alia quoq; causa fuit, non admodum inefficax: scilicet, ut posteris, memoria nostra animorum coniunctionis & consuetudinis, diuturna maneat: qua quidem, nihil mihi in vita contigit melitius. Postrema, ut harum scientiarū candidati (quibus non datum est proprijs viribus abdita, difficiliaq; eruere Problemata) poterint nihilominus, hinc edocti, ex nostris exhaurire fontibus: & exantlare qua sibi & sibi forent. Ut, quemadmodum non unico cursu, vasto in oceano, feruntur nanigia: neq; omnibus eadem palatis placeant obsonia: sic etiam diuersa & varia studiosorum ingenia, eisdem non perinde Methodis contenta, diuersas etiam & varias sibi propositas habeant procedendi semitas: Ut qua sibi magis arideant, in & sum adhibeant: & scuro tandem transacto cursu, ad Veritatis trāquillum possint pertingere portum.

Optinarum veritatis Artium

verè studiosis, I O A N N E S D E E,

L O N D I N E N S I S,

S. D. P.



On me latet, varias esse vias, ad Parallaxes rerū in Sublimi apparentium intelligēdas: verūm, paucissimas esse certum est (quales nos excogitauimus aliquot) quæ vel solo intuitu, vel absq; aliquo Logistices auxilio, nobis exactè veritatem referre queant. Neque habent Mathematici omnes, eam, quā habuit Ptolemæus, loci opportunitatem (circa maximam Lunæ latitudinē eliciendam) vt verticibus, penè, Phænomena semper immineant. Maxima igitur Parallaticarum obseruationū nostrarum parte, vel duas diuersorum supra nostrum horizontē locorum, recipimus simul vnitas Parallaxes: & deinde, ratiocinando, separamus artificiosè: Vel ex duarum diuersarum Parallaxium (arte aliqua) eruta differentia: ad integras separatim cognoscendas, Mathematicè nosmet accingimus. Istas duas vias (aliasq; aliquot) diligenter, ingeniosèq; (suo quidem & proprio modo) nuperrimè tractauit, charissimus mihi Iuuenis, Mathematicusq; meus dignissimus hæres, Thomas Diggleus. At ex isto nostro Theoremate tertio, ne hilum quidem recepit auxiliij. Cum ante vltimam diem, Februarij præteriti, prorsus illi incognitum & inauditum erat. Licet antea quidem, tum sua sponte, tum à me accersitus, aliquoties mihi adfuisset: dum de toto hoc nostro (veritatis eliciendæ amore, suscepto) differeremus negotio: & de optimis obseruandi modis nouas inire statueremus rationes. Regiomontani enim Methodum, statim deprehendit, huic præsentī instituto nostro, haud satis fideliter inseruire potuisse. Méque enixissimè hortatus est, accuratius, quàm nostri fecerint maiores, de istis meditari: dum interim ipse de eisdem, suas seorsim consuleret Musas. Vnde prædicta

diſta Februarij die, humaniter me & perofficioſè inuiſens, ſuas oſtendit, quas (interim) de Parallaxibus elaborauit demonstrationes : quas etiam ad prælum Typographicum, propè, paratas habebat : adiecitq; editionis ſuæ haud minimam eſſe cauſam, vt ea me liberaret (huiusmodi ſcribendi) moleſtia : illaque præmitteret, quæ, preſſius à me ſcriptis (de iſtis, ſimilibusue rebus) lucem aliquam, hac ſua adferrent induſtria : & quò plures, interea, inſtruerentur, redderenturq; teſtes, maiori fide digni : cùm & ipſi, doctioribus & Mathematicis oculis, iſtud artiſicioſè obſeruare docerentur, quod cœlo adhuc fulget, rariffimum Spectaculum. Quod eius inſtitutum, tùm illi honorificum (ex Mathematici ſui ingenij, tam illuſtri edito acuminis ſpecimine) tùm mihi gratum (ob tam propenſam eius erga me hanc animi beneuolentiam) tùm ſtudioſis optabile (ex tot, tam opportunè, tamq; expedite, publicatis Philoſophiæ cœleſtis documentis) non potui, non approbare, laudare, amare, veritatiſq; inueſtigatoriſq; fauſtum & fœlix fore, tùm optare, tùm ſperare. Et ne ipſe, laudator ſolùm, videri poſſim, laborum, quos nobis communicant alij : & nō æquè facilis meorum aliquot erogator Inuentorum, quæ multùm, hac tempeſtate, ad mirabilis veritatis agnitionem, & illuſtrationem facere queant : Noſtro proinde diutius incluſa ergaſtulo (vbi nuper nata ſunt) hæc nolui detinere Theoremata : ſed ex quodam noſtro (nondum abſoluto) ſelecta libro, actûtum potius, in publicum emittere : vt fructum haud paruum Mathematicis reportent, donec alia noſtra (in hoc Philoſophandi genere) ſcripta, tempore ſunt proditura oportuno. Quod & eò lubentius feci, quàm ad manus Illuſtriſſimi illius Heroïs, hunc noſtrum libellum, ſtatim peruenturum intellexiſſem, cui Primus aperui, huius in cœlo fulgentis Oſtenti, annotauiq; admirabilitatem. Cui etiam, iure meritiffimo, illos noſtros quantoscuq; in hoc Portento conſiderando, examinandoq; labores exantlatos, iuſtòq; aliquando

volumine explicatos, dicari debere, agnosco: tūm propter multa, magna; erga me eiusdem merita (quæ in hominē ingratum, immemorem uē contulisse, haud videbitur) tūm ob maiores alias, iustissimasq; causas. Quoniam denique res Parallaticæ (vt suprà dixi) maxima ex parte, ad hunc scopum reduci solent, vt vel compositæ, separentur, in suas partes: vel Parallaxium data differentia, vtrasq; reddat notas: Quantum (præter plurimos eiusdem alios vsus) in vtramq; istius Parallatici negotij partem, hoc nostrum valeat Theorema tertium, prestatq; subsidij, omnes facillimè intelligant. Vnde, cū circa hoc Theorema breuissimum, tam frequens versetur, Parallaxium discursus: præmittantur verò, quæ & laboris & difficultatis habeant nō nihil (tūm ex obseruationibus cautissimis, tūm ex ratiocinationibus Mathematicis) quibus superatis, quam Nucis fractis testis, ad Nucleum fructuosum, finemq; laborum iam peruenimus: in ipsius videlicet Theorematis nostri, debita applicatione: vel ad Parallaxium compositarum separationem: vel ex differentia data, ad datas quoquē ipsas reddendas Parallaxes: Igitur, Nuclei cuiusdam instar, hunc haud absurdè censi posse libellum, satis iam ostendimus euidenter. Eodem itaque vtamini fruaminiq;, Amici mei, veritatisq; scrutatores industrij.

Mortlacensibus nostris annuentibus

Musis. Martij. 5. An. 1573.

Parallaticus Nucleus.

Theorema. I.

Inter duas quascunq; , easdem omnino, & homogeneas magnitudines, vna solum existit ratio.

Quamquam cōmuni omnium ferè hominum iudicio, hoc sic se habere iudicetur: tamen, ut vel quibusdā clarius illustrare hanc veram sententiam: vel alijs, contra eandē cauillandi, occasionē omnē præripere possimus: nō inutile censi debet, si exemplari quadā demonstratiōe, rem tūm clariorē, tūm firriorē aliquo reddamus modo. Breuiusculas istas primum consideremus descriptiones. Easdem dicimus magnitudines, quarū quantitates nihil vel augentur, vel imminuuntur. Homogeneas esse magnitudines definimus, nomine essentiaq; similes. Veluti lineas lineis: superficies superficiēbus: corpora corporibus. Sint igitur duæ magnitudines, omnino eadem, & homogeneæ, C & D: dico rationem vnā solum esse, ipsius C, ad D. Si verò nobis quis aduersari velit, & exhibere A ad B, in eadem ratione, quæ est ipsius C ad D: Præterea & E ad F, in eadem ratione, quæ est nostra C, ad D: & asserere denique, non eandem esse rationem, ipsius A ad B & illius E ad F: Nos contra quidem (artis præsidiiis validissimis adiuti) dimicabimus. Ex definitione enim: Ratio, est duarum magnitudinum, homogenearum, illa quæ est secundum earum quantitatem, habitudo: respectus mutuus, sine xēōis: ut Græci Mathematici loquuntur. Sed, ex hypothēsi, nostrarum

Parallaticus Nucleus.

Strarū duarū magnitudinū, C, & D, homogenearū, eadem
 manent, quantitates, nullo scili-
 licet, vel aucta, vel imminuta
 modo: quare, alia, aliāq, non e-
 rit illarum quantitarum mutuo
 comparatarum, resultans habi-
 tudo: sed una, eademq,. Proinde
 etiam, cū secundum comparationem quantitatis C, ad
 quantitatem D, resultans habitudo, inueniatur eadem in
 A, cum B, collata: (iuxta aduersarium) Similiter se-
 cundum comparationem quantitatis C, ad quantitatem D,
 resultans habitudo, inueniatur eadem, ex quantitate E, ad
 F, comparata: (ut aduersarius ipse concedit) . Necessa-
 rio & illa quæ inter A & B deprehenditur, est eadem om-
 nino habitudo, illi, quæ inuenitur inter E & F: nullo
 modo, diuersa. Inter duas igitur quascunq; easdem omnino, &
 homogeneas magnitudines, una solum existit ratio. *Quod*
sic vel illustrasse, vel demonstrasse oportuit.

Aliter.

Præterea: si quis nostrum hoc Theorema, vel suspec-
 tū habere vellet, vel labefactare conaretur: pari ratione,
 & undecimam quinti Elementorum Euclidis, vel in du-
 bium vocare, vel tanquā falsam euertere, moliatur: Quæ
 hæc est, Quæ eidem rationi, sunt eadem rationes, ad inuicem
 sunt eadem. Ecthesis verò, & Diorismus eiusdem propo-
 sitionis, sic se habent, verbatim. Sint enim, sicut A ad B,
 sic C ad D: sicut verò C, ad D, sic E ad F: Dico, quod est sicut
 A ad B, sic E ad F. Sic quidem Euclides: Caueat igitur
 quicumq; noster aduersarius: & veritatis studiosus, ipsi
 interim Euclidis Theonisue adhæreat demonstrationi.


Theorema.

Parallaticus Nucleus.

Theorema. 2.

Omnia duorum, eiusdem circuli arcuum, sinus recti, eandem inter se rationem habent: quam aliorum duorum, hijs similium, arcuum, sinus recti, inter se habent: siue in æquali, siue maiori, siue minori, acceptorum circulo.

Sint duo arcus, XT , & XV , eiusdem circuli: veluti, ab BX , semidiametro, descripti. Et ipsius arcus XT , sit recta XM , sinus rectus: & arcus XV , habeat sinum suum




rectum, rectam XL . Iam verò, arcui XT , sit similis, alius arcus, AI . Et arcui XV , sit similis AK . Descriptis utrisq, à semidiametro BA . Et sinus rectus, arcus nostri AI , sit recta AO : atque arcus AK , habeat AN , pro sinu suo recta.

B.i.

Dico

Parallaticus Nucleus.

Dico XM ad XL , eandē habere rationē, quā AO , ad AN .
 Cū enim, ex hypothesi, arcus XT , & AI , sint Similes ar-
 cus: per Similiū arcuū definitionē, angulus XBT , æqualis
 est angulo ABI . Sed & notissimum est, angulum XBM ,
 æqualem, immò eundem esse, angulo XT : & similiter
 angulum ABO , æqualem, eundēque esse, angulo ABI .
 Et anguli ad puncta M , & O , sunt recti: per constructio-



nis hypothesim. Quare, per 32. primi, Elementorum,
 & reliquus angulus MXB , (in triangulo BMX) æqua-
 lis est reliquo OAB , in triangulo BOA : æquianguli igitur
 sunt trianguli, BMX , & BOA . Vnde latera BX ,
 & BA , sunt omologa: (nimirū ipsæ semidiametri nostro-
 rum circularum.) Et XM , & AO (videlicet sinus recti)
 omologa erunt. Et BM , & BO (sinus secundi) etiam
 omologa.

Parallaticus Nucleus.

omologa. Eritq; ut BX ad XM , sic BA , ad AO . Unde & permutatim (per decimam sextam Euclidis) ut BX , ad BA : sic XM , ad AO . Simili argumento conuincemus, ut BX se habet ad BA , sic XL , se habere ad AN : ex triangulis BLX , & $BN A$, equiangulis. Cum igitur, tum XM ad AO : & XL , ad AN , eandem ratione inter se habent, quam BX , ad BA : per premissam, & undecima quinti, Elementorū Euclidis, eadem est ratio inter XM , & AO , quæ est inter XL , & AN . Quamobrem & permutatim (per decimam sextam quinti Elementorum Euclidis) ut XM ad XL , sic & AO ad AN . Sed per Constructionem, XM , & XL , sunt sinus recti, XT , & XV , arcuum: similiter & AO , & AN , rectæ, sinus sunt recti, AI & AK arcuum, illis similium. (Siue autem BA , maior sit quàm BX , vel minor, vel illi equalis, idem erit demonstrationis ordo, & eadem veritas.) Igitur Omnium duorum, eiusdē Circuli arcuum, sinus recti, eandem inter se ratione habent, quam aliorum duorum, hijs similium, arcuum, sinus recti, inter se habent: siue in æquali, siue maiori, siue minori acceptorū circulo. Quod demonstrasse oportuit.

Porisma. 1.

Hinc manifestū fit, omnium duorū Similium arcuum sinus rectos primos, secundosq; , eandem inter se rationem habere, quam ipsæ semidiametri circulorū, ex quibus ipsi similes desumuntur arcus.

Porisma. 2.

Æquè etiam clarum, reddi potest ex istis: Omniū similium arcuum, eam inter se rationem esse, quæ est semidiametrorum respondentium, siue sinuum suorum rectorū primorum, secundorumue, inter se.


B.ij.

Nam

Parallaticus Nucleus.

Nam, per Archimedis demonstrata, Omnium Circulorum circumferentias, ad suas semidiametros, unicam eandemq, habere rationem, demonstrari potest: rationalem illam quidem vel irrationalem: (ut vulgari Logistarum utamur phrasi.) quare & permutatim, ut Circumferentia ad circumferentiam, sic semidiameter ad semidiametrum.

Sint ergo dua semidiametri, A & C: circumferentia autem circulorum, ab illis descriptorum, sint E, & F: E quidem, ab A & F, à C. Sit etiam B, arcus, ex E, desump-



tus: & D arcus, illi similis, ex F, receptus. Sit etiam ipsius B arcus, sinus rectus, G recta linea: & arcus alterius, huic similis, nimirum D, sit H recta, sinus rectus. Cum verò, B,
ad

Parallaticus Nucleus.

ad E, eandem habet rationem, quam D, ad F: (quia B & D sunt arcus similes, ex hypothesi) Ergo permutatim, B, ad D, eandem habet rationem quam E ad F. Sed quam habet E ad F, eandem habet A ad C (ut demonstrauimus:) per undecimam, igitur, quinti Euclidis, eadem erit ratio B ad D (similium arcuum inter se) quæ est A, ad C: semidiametrorum scilicet, inter se. Sicq; prima Quæsti pars constat. Per Porisma præcedens, G, sinus rectus ipsius B, ad H, sinum rectum ipsius D, est sicut A ad C. Similique ratione, se habet sinus rectus secundus, ipsius B, ad sinum rectum secundum, ipsius D, per idem Porisma. Sed per priorem iam demonstratam partem, ut A ad C, sic B ad D: ergo per undecimam quinti Elementorum, ut G ad H, siue sinus secundus ipsius B, ad sinum secundum ipsius D, sic B ad D. Omnium proinde similium arcuum, eadem est inter se ratio, quæ semidiametrorum respondentium, siue sinuum suorum rectorum primorum, vel secundorum, inter se. Quod demonstrasse oportuit.

Theorema. . 3.

In duabus quibuscunq; diuersis, eiusdem Stellæ similisue Phænomeni, Parallaxibus (modò interea, diurno Totius solum ferri concipiatur motu) eadem ratio erit, sinus recti, maioris Parallaxeos, ad sinum rectum minoris: quæ est sinus recti, maioris a vertice distantie apparentis, ad minoris distantie apparentis, sinum rectum.


Sit Terra Physica centrū, A. Spectatoris oculus, B. Ducatur inter A & B, recta linea AB. Quæ in continuum & directum, versus partes B, extendatur. In qua accipiat punctum ω, pro illo quod dicitur Zenith nostrum cæleste. Tū centro B, & intervallo BA, describatur quarta circuli pars: cuius circumferentia notetur literis AGH.

B.ij.

Ductaq;

Parallaticus Nucleus.

Ducta q̄ sit recta BH, angulum cum AB linea, cōprehen-
dens rectum. Sit verò Phænomenū aliquod, quod in Subli-
mi spectatur : & in duobus dinerfis locis, ut in C quidem,
longiori a vertice distantia Apparente: & in D, spacio Ap-
parente verticali minori : ita ut per nullum interea, præ-
ter Totius motum, agitari ipsum admittamus Phænome-
num. Centro A, intervallo autem AC, vel AD (in sphaera,



terreno orbi concentrica: ex solius diurni motus hypothese)
describatur circuli portio F C D E: lineam Aω, sua secans
circumferentia, in puncto E. Ita quòd puncta A, B, E, in
una eademq̄, statuantur recta linea : in illa scilicet, quæ
recta extenditur ab A, ad illud punctum ω : quod Zenith
vulgariter appellatur: quod & semper (ad perpendicularum)
spectantis imminet vertici: Polusq̄ Horizontis à nonnul-
lis


Parallaticus Nucleus.

lis vocatur. Ad A , & B , ducatur rectæ CA , CB : & DA , DB . Verum CB , & DB , ultra B , procurrant: donec in circumferentiam AGH , alicubi incidant: ubi verò incidunt, sint I , K puncta. Sintq; $CB I$, $DB K$ lineæ rectæ. Præterea centro C , & intervallo CA , portio circuli describatur. Cuius circumferentia, occurrat $CB I$ rectæ, in puncto R . Similiter centro D , & intercapedine DA , alia circuli portio describatur: cuius circumferentia, lineæ $DB K$, obuia sit in puncto S . Iam verò, à puncto A (per duodecimam primi Euclidis) ducantur perpendiculares: AO super BI : & AN , super BK . Notissimum est, quòd CBE , sit angulus maioris distantie verticalis Apparentis: & DBE , minoris. Similiter, quòd Vera distantia a vertice, angulus sit CAE , maioris: & DAE , minoris. Cum verò illa quæ est Vera & Aspectabilis, à vertice, distantia, angulorum differentia, Aspectus dicitur diuersitas: siue (Græco nomine) Parallaxis: eandem hîc contineri constat, in C quidem, à lineis AC , & BC , in puncto C , concurrentibus: & in D , à lineis AD , & BD , in puncto D , sese intersectantibus. Et horum angulorum Parallaticorum, ad C , & D (tanq; centra) ita constitutorum, siue arcuum AR & AS (angulos ad C , & D , respicientium) Sinus rectos esse, rectas ipsas AO , & AN , (tum per constructionem, tum per vigesimam propositionem primi libri Ioannis Regiomontani de Triangulis) manifestum est: Nimirum AO , quidē (in triangulo CAO , rectangulo) ipsius ACO , anguli Parallaxeos, sinum rectum esse: Et AN (in trigono rectangulo DAN) ipsius anguli Parallaxeos ADN , esse sinum rectum. D I C O igitur rationem ipsius AO , ad AN , eandem esse, quæ est sinus recti maioris Apparentis distantie verticalis (scilicet ipso Phanomeno in C , posito) ad sinum minoris distantie verticalis Apparentis: dum Phanomenum est in D . Nam & in trigono

B.iiij. ABO ,

Parallaticus Nucleus.

ABO, constare potest (per constructionem, & dictam vigesimam, Regiomontani de Triangulis) AO, rectam, sinum rectum, esse arcus AI: siue anguli ABO, cui (per 15. primi Elementorū) æqualis est contrapositus, CBE: Apparentis nimirum maioris distantie verticalis, angulus. Quare arcus illius distantie verticalis maioris, similis erit arcui AI: per conuersionem definitionis, Similium ar-



cum. Et AN (simili argumento) sinum rectum esse, certum est, ipsius AK arcus : siue ABN , anguli : huicq; contrapositum, esse æqualem : nimirum DBE : angulum minoris distantia apparentis a vertice. Quare, per conversionē definitionis Similium arcuum, & illa distantia verticalis, arcum habet, similem ipsi AK arcui. Itaque (per præmissam) quam rationem habet Sinus rectus arcus apparentis

Parallaticus Nucleus.

parentis maioris distantiae verticalis, ad sinum rectum istius arcus, minoris verticalis distantiae Apparentis : eandem habebit AO (sinus rectus, AI arcus) ad AN , sinum rectum, AK arcus. Sed & superius ostendimus, eandem omnino lineam AO , sinum rectum esse maioris nostrae Parallaxeos, ad C procreatae : & eandem lineam AN , sinum rectum esse, minoris nostrae Parallaxeos, ad D provenientis : Quare (per primum Theorema nostrum, & undecimam quinti Elementorum) Eandem omnino habebit rationem, sinus rectus Parallaxeos maioris, ad sinum rectum Parallaxeos minoris, quam habet sinus rectus maioris distantiae verticalis Apparentis, ad sinum rectum minoris Apparentis distantiae. Proinde, In duabus quibuscumque diuersis, eiusdem Stellae, similisue Phænomeni Parallaxibus (modò interea diurno Totius solū ferri concipiatur motu) eadem ratio erit sinus recti maioris Parallaxeos, ad sinum rectum minoris, quæ est sinus recti maioris a vertice distantiae Apparentis, ad minoris distantiae Apparentis, sinum rectum.

Quod demonstrasse oportuit.

Admonitio.

Prudens Mathematicus facillimè aduertet, demonstrationis nostrae nihil impediri cursum : siue Phænomenum nos videre contingat, in eodem Circulo verticali, diuersas istas distantias a vertice Apparentes habere : (sicq; & Sectores utrosq; ACR , & ADS : & Sectores ABI , & ABK , in eodem contineri plano cōtinget :) Siue in duobus diuersis Circulis verticalibus : & tunc hæc quidem in uno plano, semper erunt : Sector ACR , & Sector ABI , & linea ABE . Sed in alio plano, Sector ADS , & ABK Sector, & linea recta ABE . Ita quòd ABE , in omnibus erit planis, per Zenith nostrum transeuntibus.

Porisma. I.

Hinc manifestum redditur : Si duarum verticalium Apparentium distantiarum alicuius Phænomeni

C.j.

(ita,

Parallaticus Nucleus.

(ita, vt supposuimus, delati) cognoscantur arcus, & sinuum rationem quoq; rectorum inter se, ipsarum Parallaxium, in illis diuersis distantijs prouenientium, vnà fieri cognitam.

Erit enim eadem (per præmissam) quæ est sinuum illorum rectorum, qui sunt ipsarum distantiarum Apparentium proprij.

Porisma. 2.

Clarum etiam hinc fit. Si binæ supradictæ Parallaxes componantur, denturq; tanquam vna: cognitæ tamen Apparentium distantiarum arcubus (singulis Parallaxibus seorsim debitis) facillimè ipsas particulares disiungi posse Parallaxes.

Hoc autem demonstrari potest, auxiliante Ptolemæi Lemmatio secundo: quod in eiusdem Epitome, Purbachius & Regiomontanus, in duodecimam primi libri propositionem traduxerunt. Quam, etiam, Regiomontanus, in suo de Triangulis libro quarto, hisce habet verbis.

Propos. xxxj.


Si quis arcus notus, minor semicircumferentia, in duos diuidatur, quorum sinus proportionem habeant datam, vterque eorum notus erit.

Sed, ne, vel Typographi negligentia, vel Autographi nondū absoluti, immatura editio, aliquam studiosis parere possit molestiam: dum ipsas vigesimam primam, & vigesimam secundā Propositiones Regiomontani (propter hac nostra) intelligere vel exercere vellent, rem illis me gratam facturum existimaui, si debito nitore, & iuxta ipsius Authoris institutum, easdem hic subiungerem restitutas.

Sit arcus AGB datus, minor semicircumferentia: diuisus

Parallaticus Nucleus.

nifus in duos arcus AG , & GB . Sitq; proportio sinus arcus AG , ad sinum arcus GB , data. Dico quod utraq; arcuum partialium AG , & GB , datus habetur. Subtendatur enim arcui AGB , Chorda sua, AB . Ducaturq; per punctum G , & centrum circuli, Z , diameter circuli: secans Chordam AB , in puncto D . Ex punctis autem A , & B (arcum AB terminantibus) duæ rectæ descendant, perpendiculares ad diametrum: quæ sint AE & BH . Quarum utramq; constat esse sinum rectum arcus sibi conterminalis. AE quidem, arcus AG : & BH , arcus BG . Educatur etiam semidiameter ZL : orthogonaliter secans chordam AB , in puncto K . ¶ Si igitur proportio sinuum data, fuerit proportio æqualitatis, erunt duo arcus AG , & GB , æquales. Per communem scientiã. Sinubus suis æqualibus existentibus.



Cumq; totus
arcus AGB ,
sit notus, erit
& uterq; ar-
cuum AG , et
 GB , notus:
ex 14. primi

huius. ¶ Si verò proportio dictorum sinuum, non fuerit
proportio æqualitatis, erit alter eorum, altero maior. Sit
itaque AE , maior sinu BH : unde & arcus AG , maior
C.ij. erit.


Parallaticus Nucleus.

erit arcu GB . Cum autem, proportio AE ad BH , sit nota, oportet eam in terminis notis reperiri: per definitionem proportionis datae. Et ideo, per quintam primi huius, in numeris notis: qui sint, R , & S . R quidem, maior: & S , minor. Ita, ut sit proportio sinus AE , ad sinum BH , sicut R ad S . Cum autem duo trianguli AED , & BHD rectanguli, duos angulos apud contrapositos, & (per 32. primi Elementorum) duos reliquos habeant aequales, erunt ipsi aequianguli. Et ideo, per 4. sexti, proportio AE , ad BH , sicut AD , ad DB . Proportio autem AE , ad BH , erat tanquam numeri R , ad numerum S : quare & proportio AD , ad DB , est

veluti R ad S . Et coniunctim, AB , ad BD , sicut R ad S . Tres autem harum quantitatium, notae sunt.

Primum, R S , quidem, propter duos numeros R , & S (ex quibus compositus est) notos: numerus

autem S , ex eis quae supradicta sunt, notus est. Chorda denique AB , nota est, propter arcum AGB , notum: intercedente tabula Sinuum, aut chordarum. Quarta igitur, scilicet linea BD , nota veniet: per 10. primi huius. Est autem



R

S

Parallaticus Nucleus.

tem BK , nota (medietas chorda AB) per tertiam tertij: deducta igitur BD , ex BK , reliqua DK , nota erit. Educata insuper semidiametro ZA , erit triangulus ZAK rectangulus: cuius duo latera ZA , & AK , nota sunt: unde & per 26. primi huius linea ZK , nota prodibit. Triangulus itaque ZDK , rectangulus, duo latera, ZK , & DK , habens cognita, angulum DZK , cognitum afferet, per 27. primi huius. Qui quidem ad quatuor rectos, eam habet proportionem, quam arcus GL , ad totam Circumferentiam: quemadmodum ex ultima sexti trahitur. Arcus igitur GL notus habebitur. Quem si arcui AL (dimidio scilicet arcus AGB) addideris: resultabit arcus AG notus. Ipse demum, ex eodem arcu dimidio, siue ex arcu BL , ablatu, relinquet arcum GB , cognitum. Uterq; igitur arcuum partialium notus habebitur. Quod pollicebatur nostrum Theorema. ¶ Possumus autem & ea quæ demonstrauimus, applicare ad arcum semicircumferentia maiorem. Vt si arcus ATB , notus, diuidatur in duos arcus AT , & TB : quorum sinus, proportionē habeant notam. Dum tamen uterq; arcuū partialium, fuerit minor semicircumferentia. Sic enim necesse est diametrum circuli, per punctum T transeuntem, qua sit TG , secare chordam AB , arcus ATB : Quæ & arcui AGB , communis. Vnde & secabit arcum AGB , minorem semicircumferentia: & distinguet ex eo, duos particulares arcus, scilicet AG , & GB : quorū sinus, proportionē habebunt datam. Quoniam, & huiusmodi sinus, communes sunt duobus arcibus AT , & TB . Vtrumq; igitur arcuum AG , & GB , ex supradictis cognitum, subtrahemus a semicircumferentia, & relinquetur socius suus arcus: videlicet in sinu secum participans. ¶ Quod si arcus AGB fuerit semicircumferentia: & diuidatur in duos arcus AG , & GB (ut contingit) tametsi

C. iij. fuerit

Parallaticus Nucleus.

Præceptum.

1.

2.

Exemplum.

fuerit data proportio, sinus illius, ad sinum istius (quam oportet esse proportionem aequalitatis, per communem scientiam) non tamen alter eorum necessario dabitur. Infinitis enim modis, potest diuidi arcus ille, qui est semicircumferentia, proportionem sinuum (quos habent arcus particulares) non mutata. ¶ Operationē hoc pacto perficies. Si proportio sinuum data, fuerit æqualitatis: arcum datum, dimidiabis, & habebis duos particulares arcus cognitos. ¶ Si verò fuerit inæqualitatis: duos terminos eius, congregabis: collectumq; pro primo statuas numero. Minorem autem terminum proportionis datæ, pro secundo: & numerum chordæ, arcus dati, pro tertio. Multiplica igitur secundum per tertium, & productum diuide per primum, quodq; exhibet, a dimidia chorda arcus dati, auferas: & residuum custodias. Deinde, semidiametro circuli, in se multiplicata, aufer quadratum dimidiæ chordæ arcus dati: Quod autem relinquetur, quadrato eius quod custodiri præcepimus, coniunge. Et collecti radicem elice quadratam. Custoditū denique, per sinum totum extende: & productum in radicem elicitam, distribuas: exhibet enim sinus differentia, quæ est inter dimidium arcum datum, & utrumq; arcuum quasitorum. Quam ex tabula sinus inuentam, minue ex dimidio arcu dato, & relinquetur arcus minor quasitus: aut eidem adde, ut resultet arcus maior. ¶ In exemplo: Ponatur arcus AGB 40. graduum. Et proportio sinus, arcus AG , maioris, ad sinū arcus GB , minoris: sicut 7. ad 4. colligo 7. & 4. sunt 11, pro primo numero. 4. autem, accipiam pro secundo, & 41042 (scilicet chordam arcus dati) pro tertio. Multiplico 41042. per 4. producantur 164168. Quæ diuido per 11, exeunt 14924. [& $\frac{4}{11}$: quam particulam, hic curiosius tractare non est necesse] lineam videlicet DB : quam subtrahes a medietate chordæ [videlicet

Parallaticus Nucleus.

[videlicet BK] remanebit 5597. ferè : custodienda, pro
linea DK , Item semidiameter [ZA] siue Sinus totus
[ex eisdem tabulis] 60000. quæ duco in se, producuntur
3600000000. a quo aufero quadratum dimidiæ chordæ
[nimirum AK] quod est 421111441, manebunt [pro qua-
drato lineæ ZK] 3178888559. Hoc addo quadrato lineæ
 DK (scilicet 31326409) resultant 3210214968. Huius
radix quadrata, est, ferè 56659 [linea DZ] quam seruo.
Deinde (per 27 primi huius) multiplico numerum lineæ
 DK , per sinum totum, producuntur 335820000 : quæ di-
uido per radicem seruata[m] [56659, nimirum lineam DZ]
exiunt 5927, ipse sinus, arcus nostri GL . Huius (in eis-
dem tabulis) arcus est, graduum 5. scrupulorū primorum
40 [secundorum 10.] quem deme ex dimidio arcu dato, sci-
licet gradibus 20, manent gradus 14. scrupula prima 19.
[secundo 50.] arcus scilicet minor, GB . Item eidem [dimidio
arui dato] ipsam [GL , arcum] addo, veniunt gradus 25.
scrupula prima 40. [secunda 10.] & sic reliquus habebitur
arcus AG .

Porisma. 3.

Si duarum prædictarum Parallaxium differentia so-
lūm sit data, cognitaue, & duarum distantiarum a
vertice Apparentium arcus, etiam cogniti: Paral-
laxes hīc singulas posse exhiberi integras, distinc-
tāsque, illarum distantiarum proprias, satis est ma-
nifestum.

Propositio Regiomontani 22. eiusq; demonstratio & opera-
tio, huius & veritatem & praxim, commonstrare potest: quam
hic adiungere, è re studiosorum fore arbitratus sum.

Propos. xxij.

Si data fuerit differentia duorum arcuum cum pro-
C.iiii. portione

Parallaticus Nucleus.

portione sinuum suorum, vterque eorum cognitus habebitur.


Duo arcus AG , & GB , conterminales intelligantur: minorq; qui est GB , pars maioris, AG . Quorū differentia, sit data: arcus videlicet AB . Eorumq; sinus, habeant datam proportionem. Dico quod vterq; eorum notus reddetur. Incedat enim per G , terminum communem arcuum dictorum, & centrum circuli, Z , linea recta: vtrinq; indefinita: diametrum tamen circuli GT , complectens. Educaturq; semidiameter ZM : secans chordam AB , orthogonaliter, in puncto L . A punctis A & B (chordā AB , terminantibus) duæ perpendiculares AD , & BE , ad diametrum descendant. Quas constat esse duos sinus, arcuū AG , & GB . Si itaque ipsi fuerint æquales: hoc est, proportio sinuum data, fuerit proportio æqualitatis: erit, per communē

scientiam,
arcus GB ,
æqualis
arcui AT .

Dempto
igitur $A-$
 B (noto
per hypo-
thesim) ex
semicircu-


ferentia nota: residui medietas, arcus scilicet BG , minor, cognitus erit. Cui si arcum AB , notum, adieceris: prodibit arcus AG , maior, cognitus. ¶ Si verò alter sinuum, maior reliquo extiterit: sit (verbi gratia) arcus maioris, AG , sinus, maior sinu arcus minoris, BG . Abscindaturq; ex sinu AD , linea recta KD , æqualis ipsi BE . Dueta linea

BK :



Paralyticus Nucleus.

*BK: quæ, per 33. primi Elementorum, æquidistabit lineæ
ED. Unde & (per 34. primi Elementorū) angulus EBK,
rectus habebitur: angulo EDK, recto existente. Et
ideo angulus ABE, rectum superabit, eritq; obtusus. Pro-
ducta autem linea ab A, per B, indefinita ex parte puncti
B: erit reliquus angulus apud B, acutus (ex altera parte
lineæ BE, constitutus.) Cumq; sit angulus BEG, rectus.*




Linea dicta AB , satis porrecta, concurret cum linea TG ,
oportune prolongata (per 5. postulatu:) quod fiat in puncto
 H . Quoniam igitur, proportio AD , ad BE , data est: in
numeris eam reperiemus: per Corollarium quintæ primi
huius: qui sint R , & S . R quidem, maior numero S . Quo-
rum differentia, sit X . Est autem (per secundam & quar-
tam sexti, & 16. quinti Elementorum) proportio AD , ad
 BE (& ideo R , ad S) tanquam AH , ad HB . Quare, dis-
iunctim,

junction,

Parallaticus Nucleus.

iunctim, AB , ad BH , sicut differentia numerorum (R & S) videlicet X , ad ipsum minorem numerum, S . Cumq; tres harum quantitatum proportionalium sint datæ, nimirum numerus X , & numerus S : & Chorda AB [quam arcus suus notificat, per Tabulâ sinuû, aut Chordarû. Duplicando enim sinû rectû medietatis ipsius arcus, producitur tota Chorda integri arcus] erit & quarta proportionaliû, scilicet



cet linea BH , nota : per 19. primi huius. Et ideo tota AH cognita veniet. Item BL , medietas lineæ AB , notæ, non erit incognita. Vnde & linea HL , data cõparabitur. Quod igitur sub AH , & HB , continetur Parallelogrammum rectangulum (per 16. primi huius) notum erit. Ipsum autẽ aequatur ei quod sub TH , & HG : per 36. tertij, & primam communem animi conceptionem. Quamobrem quod sub TH , & HG continetur, notum erit. Cui si quadratû semidia-

Parallaticus Nucleus.

semidiametri ZG , nota, adiecerimus, resultabit (per sextam secundi) quadratum linea HZ , notum. Vnde & ipsa HZ linea cognoscetur, per secundam primi huius. Trianguli ergo ZHL , rectanguli, duo latera ZH , & HL , nota sunt: quare (per 27. primi huius) angulus eius, HZL , notus erit. Cuius denique numerus, arcum GM , notum faciet. Ad quem, si arcum MA (medietatem scilicet arcus AB , dati) adiunxeris: arcum AG , notum habebis. Itemq; si ex eodem arcu GM , dimidium arcum datum, reieceris, arcus BG , notus relinquetur. Quod haecenus expectauimus. ¶ Quod si maior duorum sinuum, minoris fuerit arcus: ut si quis offerat proportionem sinus arcus BT , ad sinum arcus AT , cum arcu AB noto: non aliter, quam nuperrime, peragendum erit: donec elicietur arcus BG cognitus. Quo dempto ex semicircumferentia, relinquetur arcus BT notus: cui si arcum AB (ex hypothesis notum) subtraxeris, arcum minorem AT , notum relinques. ¶ Operatio. Si data proportio sinuum, fuerit, aequalitatis: subtrahere arcum datum ex semicircumferentia, & residui dimidium, erit arcus minor quæsitus. Cui si arcum datum adieceris resultabit arcus maior. ¶ Si verò fuerit proportio inæqualitatis, & sinus maioris arcus, maior, sinu arcus minoris: differentiam terminorum proportionis datæ, constitue primum numerum: terminum autem minorem, pro secundo: & Chordam arcus dati (qui est differentia arcuum quæsitum) pro tertio. Multiplica igitur secundum per tertium, & productum diuide per primum: & quod exhibet, addas Chordæ dimidia arcus dati: collectumque serua. Idem quoq; adde toti Chordæ, arcus dati: & collectum multiplica per id quod Chordæ toti, & eius medietati addidisti. Eique quod producit, quadratum semidiametri (scilicet sinus totius) adicias. Huius demum

Præceptum.

1.

2.

D.ij.

aggre-

Parallaticus Nucleus.

Exemplum.

aggregati, radicem elice quadratam. Deinde quod supra
seruatum iri iussimus, per sinum totum multiplica: & pro-
ductum diuide in radicem iam elicitam: ab exeuntisq;
arcu, dimidium arcum datum minue: & relinquetur ar-
cus minor quasitus. Quem & eidem, si addideris: ma-
iorem arcum quasitum numerabis. ¶ In exemplo. Pona-
tur proportio sinus arcus AG , ad sinum arcus BG , sicut
20. ad 13. sitq; $[AB]$ differentia arcuum $[AG, \& BG]$
40. graduum. Huius Chorda, est 41042. Differentia 20,
ad 13, est 7. Multiplico igitur 41042, per 13, producun-
tur 533546. quæ diuido per 7. exeunt 76221, ferè: linea,
scilicet BH . Huic addo medietatem Chorda AB , scilicet
 $[BL]$ 20521, resultant 96742, linea scilicet LH . Item
colligo $[BH]$ 76221, & $[AB]$ 41042, veniunt 117263:
 $[AH]$ quæ multiplico per 76221 $[BH]$ procreantur
8937903123. quibus addo quadratum $[GZ]$ (Sinus To-
tius) quod est 3600000000: colliguntur 12537903123.
Huius radix quadrata, est 111973, ferè [ipsa HZ linea]
quam seruo. Deinde multiplico $[HL]$ 96742. per 60000
producuntur 5804520000. quæ diuido per 111973 $[HZ]$
exeunt 51839, ferè, sinus scilicet arcus MG : per 27. pri-
mi huius. Qui (in eisdem Tabulis) erit graduum 59. scr:
primorum 46. à quo arcu, aufero arcum BM , 20. graduum;
manebit arcus BG gr: 39. scr: 46. Item adde M A gr: 20.
arui MG (nuper inuento) graduum 59. scr: 46, veniunt
gradus 79. scr: 46. & tantus computabitur arcus AG .
Vterq; igitur arcus AG , & BG , iam cognitus habetur seorsim.

Porisma. 4.

Manifestum etiam ex istis est, Parallaxium Canones
facillimè componi, vel a magnis quibusdam Ma-
thematicis compositos, corrigi posse. Maxima,
vel

Parallaticus Nucleus.

vel quacunq; alia, data Parallaxi, cum Apparente distantia verticali, eiusdem Parallaxeos propria: non cognita quidem, Phænomeni à terra distantia.

Appendix. 1.

Hinc Peurbachij votis satisfacere possumus: qui.30. minutorū Chordam, veraciter non haberi, querebatur, in fine libelli sui, de Sinubus & Chordis. Quæ (inquit ille) si haberetur, omnes Chordæ, arcuum aliorum, veraciter essent notæ,

Appendix. 2.

Similiter, ex proprietatibus hisce sic (in Triangulis ACB , ADB , ABO , ABN , & alijs Schematibus) demonstratis: qualia inferri, demonstrarique alia possint, tūc Theoremata, tūc Problemata (ad nostrum institutum necessaria) fufius explicabimus, in eo, quem (Deo fauente) de Phænomeno isto mirabili, edere statuimus libro.

Sin autem istæ Regiomontani Operationes, alicui, vel prolixæ, vel difficiles, (aspectu primo) videri possint: propius certè intuenti, sapinſq; tentanti, perspicuas valdè, atque faciles sese præbunt. Bonòque is sit animo (veritatis studiosus:) nam vſu frequentiori, facillimam omnem (Circa eiusmodi) reddet praxim. At & nos magna in his, similibusq; excogitauimus Compendia: Studiosisq; communicare decreuimus. Et certè nisi alijs iam essem occupatior, quàm ut accurato queam vacare calculo: horum hîc omnium, logiſticam aliquam exhibuiſſem exercitationem, in veris iſtius Phænomeni admirandi, a nobis obseruatis Parallaxibus.

Parallaticus Nucleus.

Admonitio.

Caueant autem omnes qui vel ambitionis æstro perciti : vel inscitia securitate animati , non satis artificiosè instituta , prudenterq; examinata , sua audeant , in doctorum hominum oculis , auribúsue ponere.

Epilogus.

Videte quaeso, ipse Terra Globus, quantum nobis suppeditauit auxilij, in hoc (præ cæteris) tam nobili, eruendo Theoremate tertio. In Lumine Naturæ, sic, optimum licet Philosophandi reperire modum. Natura isti sunt Thesauri : ipsis semper rebus, diuinis copulati nexibus. Omnium enim Parallaxium, ut ipsa Terreni orbis moles, maxima existit occasio : Sic ad illud, quod nobis ipsa faceffit, expediendum negotium, Instrumentum attulit aptissimum (Ex unica nimirum Semidiametro, inter Spectatoris oculum, Terræq; centrum veraciter extensa, descriptum.) In quo, perspicuè, breuiter, absolutèq; huius disciplina, Multiplex considerari queat Methodus. Cui, si, de cætero, accurate, cautè, & philoſophice, incumbere velitis : non solum Cælestis huius Phenomeni, quàm sit incredibilis Dispositio, Conditioq; unà mecum veritatis studiosis, testatissimum reddere poteritis : Sed, ad quàm plurima eruenda alia, circa Cælestium quorumcunq; vel Subcælestium Phenomenorum Causas, Loca, Distantias, Magnitudines, Stationes, Motionesue, longè instructiores euadetis. Quam pulcherrimam Philosophiæ partem (mortalibus summè necessariam) omnibus suis numeris, antè, absoluendam fore speramus, q̃ uniuersa, huius admirandi Prodromi (quæ vario nobis videtur innuere modo) rebus ipsis, explicata pendentur Apotelesmata.

Valcatis interim, Amici mei,
veraq; Studiosi Philosophiæ.

70. D E E, L O N D.

